



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti na Sporazum o saradnji između
Grada Sarajeva i Verlab Instituta

(Prijedlog)

Predlagač: Gradonačelnica
Obrađivač: Gradska služba za lokalnu
samoupravu i razvoj grada

Sarajevo, maj 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) Gradsko vijeće Grada Sarajeva, na __. sjednici održanoj __. __. 2022. godine, donijelo je:

(Prijedlog)

**Odluku
o davanju saglasnosti na Sporazum o saradnji između
Grada Sarajeva i Verlab Instituta**

Član 1.

Ovom Odlukom daje se saglasnost za uspostavljanje saradnje između Grada Sarajeva i Verlab Instituta.

Član 2.

Saradnja iz člana 1. Odluke uspostavlja se potpisivanjem Sporazuma o saradnji između Grada Sarajeva i Verlab Instituta, čiji je tekst sastavni dio Odluke.

Član 3.

Gradonačelnica Grada Sarajeva ovlaštena je da u ime Grada Sarajeva potpiše Sporazum o saradnji, po stupanju na snagu ove Odluke.

Član 4.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojima je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Potpisivanjem Sporazuma o saradnji između Grada Sarajeva i Verlab Instituta, Grad Sarajevo i Verlab Institut izražavaju interes za započinjanje saradnje u svrhu unaprjeđenja naučne i istraživačke djelatnosti i aktivnosti, a što je u skladu sa Strategijom razvoja Grada Sarajeva 2021.-2027. godina.

Gradu Sarajevu je u interesu opredjeljenje Verlab Instituta, kao relevantnog partnera kod apliciranja na projekte prema međunarodnim i drugim raspoloživim fondovima, sa ciljem povlačenja dodatnih sredstava za naučno-istraživačke projekte iz oblasti digitalizacije i zaštite okoliša, te na poboljšanju i unaprjeđenju primjene savremenih tehnologija i inovacija u Sarajevu te postizanja klimatske neutralnosti i pametnog grada.

Slijedom naprijed navedenog, Verlab Institut i Grad Sarajevo izrazili su želju za formaliziranjem saradnje u cilju privlačenja dodatnih sredstava, zajedničkog učestvovanja na konferencijama, radionicama i edukacijama, a koje se tiču oblasti digitalizacije i zaštite okoliša te primjene savremenih tehnologija i inovacija.

Također, u skladu sa načelima rada nove gradske administracije, a naročito načelima transparentnosti, javnosti, efikasnosti i kolegijalnosti, cilj je bio i omogućiti Gradskom vijeću Grada Sarajeva da odlučuje o svim aktivnostima Grada od samog začetka ideje, odnosno namjere, te kako suština predmetne saradnje jeste doprinos što kvalitetnijoj implementaciji Strategije razvoja grada 2021.-2027. godine, zatraženo je donošenje ove odluke Gradskog vijeća.

FINANSIJSKA SREDSTVA

Finansijska sredstva za realizaciju ove Odluke, u ovoj fazi nisu potrebna.

- 1. Grad Sarajevo, Hamdije Kreševljakovića br. 3., koga zastupa gradonačelnica doc. dr. Benjamina Karić**
- 2. Naučnoistraživački institut Verlab za biomedicinski inženjering, medicinske uređaje i vještačku inteligenciju (u daljnjem tekstu Verlab Institut), Sarajevo, Ferhadija 27., kojeg zastupa doc. dr. Lejla Gurbeta Pokvić**

(u daljnjem tekstu: „potpisnici Sporazuma“)

Potpisali su u Sarajevu:

S P O R A Z U M **o saradnji između Grada Sarajeva i Verlab Instituta**

Član 1.

Potpisnici Sporazuma saglasni su da u skladu sa Strategijom razvoja Grada Sarajeva 2021. – 2027., postoji zajednički interes za saradnju na unaprjeđenju naučne i istraživačke djelatnosti i aktivnosti.

Član 2.

Potpisnici Sporazuma zajednički će nastupati prema međunarodnim i drugim raspoloživim fondovima, sa ciljem povlačenja dodatnih sredstava za naučno-istraživačke projekte iz oblasti digitalizacije i zaštite okoliša te na poboljšanje i unaprjeđenje primjene savremenih tehnologija i inovacija u Sarajevu u cilju postizanja interesa klimatski neutralnih, pametnih gradova.

Član 3.

Potpisnici Sporazuma će zajednički organizovati relevantne aktivnosti te će osiguravati pripremu i implementaciju projektnih prijedloga od zajedničkog interesa.

Član 4.

Predstavnici potpisnika Sporazuma će zajednički učestvovati na konferencijama, radionicama i edukacijama, a koje se tiču oblasti digitalizacije i zaštite okoliša te primjene savremenih tehnologija i inovacija.

Član 5.

Sve eventualne dopune ili izmjene ovog Sporazuma moguće su samo sačinjavanjem aneksa Sporazuma.

Član 6.

Ovaj Sporazum stupa na snagu danom potpisivanja od strane svih potpisnika Sporazuma.

Član 7.

Ovaj Sporazum je sačinjen u 4 (četiri) istovjetna primjerka, od kojih svaki od potpisnika Sporazuma zadržava po 2 (dva) primjerka.

Verlab Institut
Doc. dr. Lejla Gurbeta Pokvić

Direktor

Broj:
Sarajevo,

Grad Sarajevo
Doc. dr. Benjamina Karić

Gradonačelnica

Broj:
Sarajevo,